



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : PLK MRS MA KAM MING - CHEUNG FOOK SIEN COLLEGE
学校名称 : 保良局马锦明夫人章馥仙中学
Name of Play 剧名 : 娥颈桥之恋
Script writer 剧作者 : 保良局马锦明夫人章馥仙中学 - 戏剧学会 改编

Synopsis 故事大纲 :

立法会选举尘埃落定，不过一幅「娥颈桥之恋」相片就令全城闹得热烘烘。突然间，学校内亦流传一幅「娥颈桥之恋 2.0」相片，这次的男主角不是议员明星，而是教育界的明日之星－胡岳桥老师；女主角不是梁粉玉娥，而是楚楚可怜的玉娥同学。

「弊！比人影咗相添！」

师、生之间究竟如何角力？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

【下课钟声响起】

【课室】

岳桥老师： 好，我地今日到呢度，大家后日记着交功课。谢珊知道嘛？

【谢珊不耐烦】

岳桥老师： 好，各位同学再见！

众人： 胡老师再见

娥： 岳桥老师！

岳桥老师： 唐玉娥，咩事呀？

娥： 我...

岳桥老师： 【岳桥老师见娥有口难言】唔，不如我哋落教员室倾？

娥： 哦...

【岳桥老师与娥离开】

Daisy： 走先喇我，赶着补习呀！

Cherry： Daisy，我都要去排球队练波，等埋我呀！

谢珊： 等阵！唔该所有同学留低！我有重要事情宣布！

Cherry： 听日先讲啦，我迟左去排球队既话，又俾教练闹架喇。

【Daisy 拉住 Cherry】

Daisy： Cherry 呀，但系阿珊话有嘢讲呀嘛，听埋先啦。

俊辉： Cherry Daisy，系你地两个咁乖听佢指点架咋，我走先，再见。

Daisy： 俊辉...

谢珊： 好呀！如果你唔想知道呢单学校丑闻既话，咪随便离开啰。

众人： 学校丑闻？

谢珊： 正确啲讲，呢个丑闻系属于我地尊贵既岳桥老师。

Daisy： 岳桥老师有咩丑闻呀？

俊辉： 有野就快啲讲，唔好喺度卖关子。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

【谢珊拎出一张相片】

谢珊： 大家先睇吓呢张相先！

Daisy： 哦，娥颈桥之恋丫麻。

Cherry： 咩系娥颈桥之恋呀？

俊辉： 搞错呀，咁都唔知！之前立法会选举完左之后，呢两个参选人互相道别行得好近咁样握手，跟着俾传媒影到，啲网民就笑佢地有野，仲帮佢地张相起左个名叫《娥颈桥之恋》。

谢珊： 俊辉讲得无错！不过原来我地学校都有一个《娥颈桥之恋》喎！

俊辉： 你到底想讲咩啫？

【谢珊拎出另一张相片】

谢珊： 登登登登！大家睇吓！属于我地学校既《娥颈桥之恋》！

Daisy： 呢个咪...

谢珊： 岳桥老师！

Cherry： 痴着佢个头嗰个边个黎架？

俊辉： 似系我哋班...

谢珊： 唐玉娥同学！

众人： 咩话？！

谢珊： 吓亲哩？

Cherry： oh my god...

Daisy： 你系边到攞到呢张相架？

谢珊： 系我上个星期影既。

Daisy： 你影既？

俊辉： 咪着先谢珊，你搞清楚未架？你就咁影呢幅相都好难证明岳桥老师同玉娥同学有嘢架喎，就好似嗰两个议员一样咁乔系角度问题咋喎。

谢珊： 我亲眼睇到佢两个行得好近㗎！

Cherry： 真既？

谢珊： 紧系，所以我先即刻拎部电话出黎影低佢。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

俊辉： 有无其他证据先？

谢珊： 仲要证据？我话俾你听我对眼同埋呢张相就系证据！

Cherry： 唔系啲珊姐，有无其他同学都睇到你见到既野先？

谢珊：咁又无...

俊辉： 无？咁你叫我地点信你呀？

Cherry： 系啰珊姐，唔好乱咁屈老师呀，好大件事架。加上，我就唔信岳桥老师会咁啰，佢啲啲先拎咗个咩卓越教学奖，前途一片光明，点会搞啲咁嘅嘢呀？

谢珊： 同你讲都嘍气。好丫，唔信我唔紧要，你地呢几日自己留意吓胡岳桥同唐玉娥啲学校里面既一举一动咪知道发生咩事啰。

俊辉： 我真系无你咁得闲，呢张相咁无聊，送比我做通识剪报啦！再见。

谢珊： 喂！俊辉！

【俊辉离开】

Cherry： 珊姐，我地都走先喇，再见。

谢珊： Daisy，连你都唔信我？

Daisy： 唔系唔信，不过...我真系赶住补习喇，走先。

【Daisy 及 Cherry 离开】

谢珊： 证据？好呀。

【灯暗】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二场

【门口角落】

【俊辉经过，看着娥颈桥之恋的相。】

俊辉： 娥颈桥之恋？傻傻咁...

【岳桥老师及玉娥同步出，岳桥老师递上纸巾。】

【俊辉抬头见到他们】

俊辉： 娥颈桥之恋？？

【俊辉躲在一旁偷听】

岳桥老师： 咁落去唔系办法嗰咯，你睇你落晒型咁，就嚟就要做手术，你咁既状态，点掂呀？唔...你唔好咁担心啦，总之呢段时间有咩唔妥记着第一时间通知我，嚟，呢度有 D 钱，你拎去医院先搞掂佢啦。

【陈叔入，在辉背后看佢看什么】

【玉娥点头离去。】

俊辉： 岳桥 sir 俾钱唐玉娥去医院搞掂佢？...唔通？

陈叔： 【吓佢】细路，鬼鬼祟祟喺度做乜呀？

俊辉： 陈叔！无嘢呀！

陈叔： 无嘢？系咪做紧啲咩唔见得光既嘢呀？

俊辉： 紧系无啦，佢哋就真系唔见得光喇！陈叔，我有紧要事，走先！

【俊辉急速离去，遗留了娥颈桥之恋的相片。】

陈叔： 喂，同学，你跌咗嘢呀。【执起张相】呢张蒙查查既，乜都睇唔到，乜嚟架？

【灯转】

【形体片段轻快音乐伴奏，俊辉、Daisy、Cherry 在之后的一星期内分别多次遇见岳桥老师及唐玉娥在校内的神秘举动。】

【最后，灯光凝聚在岳桥老师及唐玉娥身上，二人摆出像被撞破举动的定格画面。】

【灯暗】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第三场

【课室】

【小息】

- 谢珊： 系咪呀？！我都话佢地两个有野架啦！又一齐食早餐、又俾晒钱俾晒纸巾，琴日放学落雨胡岳桥仲担着把伞同唐玉娥一齐走添呀！
- Daisy： 咁咪即系师生恋！
- Cherry： 究竟佢地几时开始架呢？之前都唔觉有咩特别既。
- 俊辉： 但系岳桥 sir 点解会睇中陈玉娥呢？
- 谢珊： 嘩！你唔俾胡岳桥突然觉得好孤单，跟着又见到学校里面有个青春少艾，仲唔动了心咩。你地小心啲添呀！
- Cherry： 吓？岳桥老师唔会搞埋我地挂。
- 谢珊： 好难讲。
- Cherry： 但系岳桥老师点睇都系一个正人君子喎。
- 谢珊： 知人口面不知心呀。
- Daisy： 其实我地系咪应该同校长讲呢？
- 谢珊： 呢个当然要啦。不过我觉得你地都讲得啱，我地应该要有多啲既证据，咁校长先会信。
- Cherry： 不如唔好搞咁多野啦，况且岳桥老师平时份人都几好丫，呢啲始终系人地既私事，我地好似唔应该理。
- 谢珊： 唔应该理？！呢啲系学校既事唔系私事呀！样样都唔理，唔怪之得你连《娥颈桥之恋》系乜都唔知啦！
- Cherry： 我又唔系要做议员知黎做乜喎？
- 谢珊： 咁学校既野呢？
- Cherry： 我只系觉得多一事不如少一事啫。
- 谢珊： 学校就系社会既缩影，你唔关心学校将来好自然就唔关心社会，倒头来受害既系你自己咋。
- 俊辉： 我觉得阿珊讲得啱，我地应该拨乱反正，勇武抗争。
- Daisy： 不过宜家系师生恋咋喎，勇咩武抗争呀？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

俊辉： 是旦啦，大概系啲啲对准权力既意思咪得嘢。岳桥 sir 宜家根本就系利用老师身份同埋权力喺学校乱搞男女关系。

谢珊： 无错！所以我地要做番啲嘢，自己学校自己救！

Daisy： 咁我地宜家可以点做呢？

俊辉： 首先，我哋应该要收集同制造更多证据，等佢知我哋已经知道呢件事，然后等佢自己引疚辞职，如果佢厚面皮，唔辞职我哋就先拎啲证据话比较长知。

谢珊： 聪明！团结就是力量，Cherry 你加唔加入？

Cherry： 我唔加入你地系咪会抵制我架？

谢珊/俊辉： 系！

Cherry： 你地咁坦白我唯有加入啦。

谢珊： Daisy...

【Daisy 示意加入】

谢珊： yeah!今次真系乜仇都报晒！

Daisy/俊 咩话？

辉：

谢珊： 吓？我无讲嘢呀！不如我哋依家一路行一路倾吓点样制造多啲证据啦！

【珊、辉、Cherry 走】

Daisy： 珊，我都系有啲嘢想问清楚你先。

Cherry： 咁我哋小食部等啦。

【辉、Cherry 走】

谢珊： 咩事咁神秘呀？

Daisy： 头先你系咪话报仇呀？

谢珊： 【珊不语】

Daisy： 咁即系我无听错啦？

不如你老老实实同我讲，娥颈桥之恋呢单嘢，其实系咪你自己生安白造出嚟，陷害岳桥 sir？

谢珊： 我做乜要陷害佢呀？

Daisy： 为咗上年啲件事而报仇嘢。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

谢珊： 喂，Daisy，搞清楚先，就算我有几唔钟意佢，我都唔会老作啲嘢出嚟屈人啰。今次呢件事，系佢自己其身不正，搞学生在先，我揭发佢，我无害佢架。就算我真系要报仇，都要佢有把柄喺我手，我先有机会报仇架！哼，我讲一次，我无陷害佢！

Daisy： 真系无？但系...阿珊，其实谗真啲，我哋都只系见到佢哋两个成日一齐，事实既真相系点我哋根本都唔知，将一啲不清不楚既嘢同全班同学讲到系事实咁，咁你同上年岳桥 Sir 闹你嗰件事有乜分别啫？

谢珊： 唔好将我同佢相提并论呀。点解你系都要拉埋上年件事嚟讲啫？

Daisy： 因为我真系好怀疑你既动机，我好怀疑你今次根本就系存心害阿 sir！

谢珊： 喂，够喇！乜原来你咁睇我？

算，你唔好不记得，你自己都有份讲，你自己亲眼见到佢两个成日一齐架，我无屈佢架。你口口声声咁话我，上年嗰只死猫我为边个食架？依家就喺度扮好学生，你唔帮我就算啦！我实证明比你睇，呢啲根本就系事实既真相。

【珊走】

【灯转】

【半年前】

【岳桥老师入】

【谢珊入】

岳桥老师： 你知唔知点解我要罚你留低？你竟然无聊到趁前面个同学唔留意，放堆蕉皮喺人地个位上面，你觉得好好玩咩？

我问系咪你，你仲要咁大声咁话我话你，好威咩依家？

你返黎学校做咩架？带成袋蕉皮番黎学校咁有心机，点解唔将啲时间心机摆喺读书上面？

之前啲嘢，我只系话吓你就算，谗住等你自己反省吓，但系一次系咁两次系咁三次又系咁，今次仲要无聊到玩蕉皮，我今次一定会同你家长倾吓。

【岳桥老师离去】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Daisy : 你点呀？

谢珊： 无，话几句啫。

Daisy : 做乜屈自己帮我顶啫？

谢珊： 你见到架，佢问都唔问边个做，第一时间就话系我。佢根本一直都唔钟意我，摆明玩针对。

Daisy : 不如我讲番件事俾岳桥 sir 知啦。

谢珊： 唔好，你上次话你阿妈好忙唔得闲理你，如果比佢知道你要见家长，实激死佢！我，有乜所谓啫，个个都系咁睇我架啦！

Daisy : 但系...

谢珊： 唔洗讲喇，系老友就唔好出声。有机会，我实会报仇...

【谢珊离去，只剩 Daisy 一人若有所思】

【灯暗】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第四场

【玉娥同学入】

俊辉：女主角呀！

谢珊：喂！娥颈桥之恋。

玉娥：吓？

谢珊：**【存心说给 Daisy 听】**你系咪又赶着去搵岳桥 sir 哩？

玉娥：系呀，你点知我要搵佢架？

Cherry：大家都系女仔，岳桥 sir 又高大威猛，明既。

玉娥：咩呀？

谢珊：我哋已经知道发生咩事喇。

玉娥：你哋已经知道？

俊辉：系呀，所以你最好自己小心啲喇。

玉娥：多谢你地关心。

Cherry：关心？咁大件事你唔惊架咩？

玉娥：我真系好惊，知道出事嗰一刻真系唔知点算好，不过好彩岳桥 sir 帮我咋，不过唔讲着喇，我要赶着去搵岳桥 sir 呀。

Cherry：你仲去？！

玉娥：有咩问题呀？

Cherry：学校咁多男同学点解要拣老师啫？我地班既俊辉都唔错丫，系有时 KAI 啲啫。

玉娥：唔好咁话佢啦，虽然佢都比帮得手，但系岳桥 sir 始终成熟啲、可靠啲，有起事嚟都处理得冷静啲。

俊辉：总之你自己小心啲啦，嗰个岳不群唔系好人黎架...

玉娥：都唔知你哋讲咩？古古怪怪咁，真系唔讲住喇，多谢晒你哋关心！bye bye!

俊辉：玉娥同学...你跌咗嘢呀!

Cherry：咩嚟架？

俊辉：唔知喎，会唔会系...



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

谢珊： 情书？

【众人想打开嚟睇】

Cherry： 睇人啲嘢，会唔会好无道德呀？

俊辉： 够佢哋唔道德？

Cherry： 唔好啦！

【众人争夺之间撕烂咗】

俊辉： 住你

谢珊： 好挂

Cherry： 我

众人： 我好挂住你！

谢珊： 唔得！为左阻止胡岳桥既恶行，防止更多同学仔将来会受害，呢个时候我地一定要对准胡岳桥。

俊辉： 无错！我谗我哋要先嚟一招不打自招，如果唔成功既话就再嚟一招引蛇出洞，我哋要佢喺所有同学面前露出狐狸尾巴！

谢珊： 对准胡岳桥！

俊辉： 对准胡岳桥！

Cherry/俊辉
/谢珊： 对准胡岳桥！

【灯转】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第五场

【上课】

【课室内贴满娥颈桥之恋 poster/剪报】

【岳桥入】

岳桥老师： 咦，娥颈桥之恋啲！

谢珊： 阿 sir，你惊呀？

岳桥老师： 惊？我好开心就真。你哋终于都会关心呢个社会上发生既事，虽然只系一啲花边新闻，但都系一个好开始！

Cherry： 岳桥 sir 呀，你对娥颈桥之恋有乜睇法呀？

岳桥老师： 咁你又有乜睇法呢？

Cherry： 我觉得佢哋两个唔可以喺埋一齐嘍。

岳桥老师： 男未婚女未嫁，佢两个喺埋一齐有乜问题呢？

俊辉： 咁佢两个一个撑 CY，一个反 CY，政见唔同，身份唔同，好难一齐啫。玉娥，你话呢？

玉娥： 【玉娥心不在焉】吓？都唔系既，佢哋两个身份咁悬殊，都可以排除万难喺埋一齐，就证明佢哋系真心相爱啦。

俊辉： 真心相爱就可以喺埋一齐架喇咩？就好似...

谢珊： 师生恋！

俊辉： 系嘍，师生恋唔通我哋话佢哋系真心相爱无问题咩？

玉娥： 唔...岳桥 sir...

岳桥老师： 咁我又想听吓你哋分析一下点解师生恋有问题。不如咁，我哋嚟个即兴辩论，边个做正、边个做反？

【Cherry、俊辉、谢珊举手】

俊辉： 我哋做反方。

岳桥老师： OK，咁其余做正啦。

谢珊： 首先，为人师表，应该严守道德标准，乱搞男女关系，仲要搞自己学生，系绝不能被社会、家长同学生所接受！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Daisy : 反方呢位同学，开口埋口都系搞，请问你系咪亲眼见到先？人哋倾下计就话人哋有景轰，依家呢个社会，有图都未必有真相啦，我哋点可以乱咁话人乱搞男女关系呢？一件事只系睇表面，又唔去了解整个画面就下结论，到大个既时候点算？啲人不断做谣生事，你地有无谗过主角们既感受呀？

俊辉： 老师喺角色身份上，根本就存在一个权威性，佢用呢个身份同学生一齐，根本就唔恰当、唔专业！

玉娥： 中学生同老师，每日有成十几个钟头喺学校，能够喺学校到一个明白佢压力、问题既人，可以互相倾诉、支持。只要学生啲一边，思想够成熟，应该唔会存在同学刚才所讲既权威欺骗无知。

Cherry： 我查过架喇，香港系有教育则例架。如果真系师生恋，老师啲方面，要实时解雇架。做人留一线，日后好相见，知机既就搵个借口自动辞职，如果唔系，到时耍玩踢爆既话，大家都唔开心。

岳桥老师： 但系乜香港唔系一个讲求自由、人权既社会咩？言论自由、婚姻自由，喺唔伤害到别人既情况下，大家系咪可以尽情咁行驶属于我哋既自由同权利呢？

谢珊： 阿 sir，你咁讲即系你觉得你同唐玉娥系无问题啦？

岳桥老师： 正确啲讲，仲有 Daisy

【众人惊讶】

众人： 吓？

Daisy： 我？

【灯暗】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第六场

【珊、辉、Cherry 在台上商讨对策】

【Daisy 入】

Daisy：夜妈妈黑蚊蚊，你哋叫我嚟呢度做乜呀？

谢珊：我要你自己亲眼睇清楚胡岳桥既真面目。

Daisy：今朝喺课室仲玩唔够呀？无啦啦拖埋我落水...

谢珊：咪系啰，你真系仲信胡岳桥系好人？

俊辉：呀，岳桥 sir 都真系几劲嘞，佢今朝嚟一招借力打力，拉多个人落水做烟幕。小弟真系佩服佩服。

Cherry：喂，岳桥老师过紧嚟喇！

【Daisy、辉、Cherry 躲到一旁】

【珊背向老师】

岳桥老师：唐玉娥，你搵我咩事呀？我一返教员室，喺枱面见到你既字条就即刻赶嚟呢度，你无咩事呀嘛？

谢珊：岳桥老师...

岳桥老师：点解你把声咁怪既？

谢珊：我...【珊咳】...我谗我应该系唔够休息，所以病咗，有啲唔舒服

岳桥老师：哦，系呢，究竟你搵我咩事呀？系咪个手术出咗事呀？

谢珊：我有啲嘢想问清楚你。

岳桥老师：你问啦。

谢珊：你成日同我一齐，其实你系咪钟意我？

岳桥老师：吓？你点会咁谗架？

谢珊：你答我啦！

岳桥老师：我点会无啦啦钟意你呀？

谢珊：咁点解你咁关心我呀？

岳桥老师：我都唔知你讲乜，我其实真系只系关心你，呢种关心，系出自老师对学生既嗰种关爱嚟架咋...



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

谢珊： 无理由既，呢度都无人，你唔怕坦白啲讲啲。

岳桥老师： 仲唔够坦白？

谢珊： 咁你又陪我、又比钱我、落雨又遮我，仲唔系钟意我？

岳桥老师： 如果任何一个学生有需要，而我能力又许可既话，我都一定会尽力帮佢架啲。

就好似...俊辉咁啦，我周不时都会约佢打吓波，同佢倾吓计，一来可以帮佢减吓肥，二来等佢唔好成日剩系识 **dum** 低头读书...

又好似 **Cherry** 咁，佢份人怕事又蛇，呢两年我都有鼓励吓佢，我叫 **miss Lai** 比佢入排球队，等佢试多啲嘢

仲有谢珊添...

谢珊： 谢珊？全班都知你唔钟意佢个啲。

岳桥老师： 个个学生对我嚟讲都系独一无二，个个我都咁钟意咁爱锡，我又点会唔钟意佢个啲？

谢珊份人系贪玩淘气啲，但佢份人有正义感，升咗班之后，我觉得佢成长咗好多，识得关心身边既人同事。不过佢性格有时太刚烈，我怕佢闯祸先成日提住佢话住佢。就好似上年蕉皮嗰件事，嗰个同学对香蕉味敏感架，佢最终搞到人哋要入医院看医生。我知佢仲好嬲我，但有啲事我希望你哋大个喇，要明白，唔可以乱嚟，最后可能会伤害到人。但系大个亦唔代表可以乱谗嘢，我同你...你会唔会谗多啲？

【玉娥入】

玉娥： 岳桥老师，你咁夜仲唔走既？你唔系话女朋友生日，赶住去庆祝咩？

岳桥老师： 唐玉娥？你？咁...

玉娥： 呀，系呀，头先妈妈打比我，话爸爸个手术好成功，佢依家已经醒返。妈妈话，你借比我哋啲钱，等保险公司赔返时就可以即刻还返比你，真系唔好意思呀。

岳桥老师： 傻啦，最紧要系人无事。

玉娥： 咦？谢珊？你喺度既？你咁夜同阿 **sir**...庆祝生日？

谢珊： **Hello...**

玉娥： 唔，岳桥老师，多谢晒你呀，我唔阻你哋喇，我赶住去医院探爸爸。我哋听朝再倾啦！**bye bye!**

【陈叔入、玉娥出】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

岳桥老师： Bye bye！帮我问候吓你爸爸呀！喂，唔好乱谗嘢呀！

陈叔： 喂，细路，你几个鬼鬼祟祟喺度做乜呀？

俊辉： 陈叔！无嘢呀！

陈叔： 无嘢？又系你？你系咪做紧啲咩唔见得光既嘢呀？

俊辉： 紧系无啦，呢度无嘢唔见得光啲！

岳桥老师： 谢珊！

谢珊： 系...

岳桥老师： 今次我无估错啦？

谢珊： 今次？

岳桥老师： 上次蕉皮嗰件事，Daisy 啱啱已经同我讲咗其实唔关你事，系我误会咗你，对不起。但系今次，你会唔会玩得过份咗啲呀？

谢珊： 对不起...

陈叔： 岳桥老师，你要唔要我帮手叫训导老师嚟呀？呢个肥仔成日呢埋一边唔知搞乜咁，分明有景轰。

俊辉： 陈叔，唔好呀！

岳桥老师： 陈叔，唔驶喇，呢几个热血少年睇得多网络小说，幻想太多啫，无事既！

【玉娥入】

玉娥： 哗，突然间咁多人既？

岳桥老师： 咦，唐玉娥，你做乜返转头既？

玉娥： 岳桥老师，我唔系想阻住你架，但系我好似留咗电话喺课室，先返转头咋。

Cherry： **【想向玉娥同岳桥老师道歉】** 玉娥，我哋已经知道晒喇...

玉娥： 吓？你哋都知道噃？

俊辉： 系呀，之前仲误会你同岳桥 Sir，真系唔好意思。

玉娥： 吓？你哋之前误会我同岳桥老师做咩呀？

Daisy： 师生恋呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

- 玉娥： 我同岳桥老师师生恋？哈，点会呀？系师生恋都系谢珊先啦！
谢珊，Happy birthday!你同岳桥老师玩得开心啲喇！我真系赶时间，走先喇！
bye bye!
- 众人： 师生恋？？
- 路人： 哗，师生恋呀！影低佢啦！
- 岳桥老师： 又想点呀？

【灯暗】

【全剧完】